

و امرم شوری ینهم

فکر اسلامی

اعلای دین

تخلص وطن

شورای اهل

۴۰

سنه ۲

هریر ایچون سنه کی : آلتش غروشدور .

(بازار ابررسی کونلرم نشر اولئور)

آدرسز :

قانون اساسی

صندوق البوسته نمرة « ۳۳۰ » مصر القاهره

CANOUN-I-ESSASSI

BOITE SPECIALE

N 330

CAIRE , EGYPT.

باخلده بوتنان ارباب غیرت و حیثه نشر و تعمیمی
تمهد ایندیکی خالده مجاناده کوندریلور .

نه ممکن ظلم ایله بیداد ایله انجای حریت
جالیش ادراکی قالدیر مقید سگ آدمیتدن .

مدیر : مولی :

ص : جمال

کمال

نسخه می ۱ غروشدور

۲۸ محرم الحرام سنه ۱۳۱۷

عثمانی ملتنک منیر افطربدر

۲۶ مایس سنه ۱۳۱۵

مناقص بیچاره مسلمانان بر درلو سویلیور
اوروپالیره بشقه درلو آکلادیور . تبعه دولتک
اختلاف ادیانندن بالاستفاده فساد آمیز ترهات
نشریله هر طائفه سنی دیگرینه دشمن ایدیور .
بر طاقم جهلایه بعض خطایا ارتکاب ایدتیور .
صوکره اوروپالیره دونه رکه بوقیا حریفی
کوربور سکر آبتون تبعه عثمانیه بویله تربیه سز
جاهلدر بونله حریفی ویرایر؛ الله کوسترمسونه
یکدیگری بوغاز لارله یولنده اداره کلامدن
اونانماز .

مملکتده کنديسینک قصد ایقاع ایتدیکی
فناقلر ایچون مسلمانلر نظرنده بر ناول
ابلیسانه اولق اوزره اوروپالیرک امور دولته
مداخله سندن شکایتله (صانکه) یاغمه حاضر
اولدینی خیرات عمومیه یه آنجق اوروپالیر
منافع اولدینی درمیان و دانسندن بی خبر
مسلمانلری بو مثالو اکاذیب معتاده سیله اغفال
ایدوب طوربور .

مابین شاهانه نك داخل و خارجاً اختیار
ایتمکده اولدینی دسائس و اکاذیبی شرح
وتفصیل ایده یلک ایچون قاموسلر تألیفی
لازمدر . بو وظیفه مهمه بی ارباب علم
وحجتک همته مخصوص یلرک ترکیاده اصلاحات
لازمه نك اجرایی امکندن، سهولتندن
ویا صوبانندن عقلمزک ایردیکی قدر بزده بحث
ایتمک متجاسر اولوروز .

فکر عاجزانه مزه قایر سز ترکیاده اصلاحات
مطلوبه نك اجراییله ثمراتک آز زمان ایچنده
اقتطافی پک قولایدر که ما بین شاهانه نك
شمدی یه قدر تعقیب ایتدیکی سقیم مسلکک
تماماً عکسنی طوتمسلیله مطلوب موفقیته تجلی
اید . مابین شاهانه سقیم مسلکک تبدیلی ایتدیجه
هیچ بر شینک اصلاحی قابل اوله ماز .

پادشاه عبدالحمیدخان ایستنه نی اصلاح ایده مز
ایستدیکنه کیم معارض اوله یلیر؛ شمیدی وکلا
یله اصلاحات مانع اولماز اولمغه جسارت ایده مز .

مابین اشرا رینک مقاومتی متصور سز پک حکم سز
در . چونکه خیر خواهانه غزم پادشاهی یه
شاید مقاومت ایده جک اولورلر سز جمله سنک
نقی و تبعیدی حتی محو و اتلافی بر اداره صادقه
پادشاهیله ممکندر . مابین اطرافنده کی عساکره
جهاندارانه بر اشارت همایون واقع اولسه او
اجلاف و اراذلی پارچه پارچه ایدرلر . بونده
ذره قدر شبهه یوقدر . ملت ایسه بوندن طولانی
دعوات خیریله پادشاهی تلاوته قویولور . لکن
پادشاهه بویله بر غرور کبری توصیه اولتیور .

اشراره وقوعی متناوبله بر تأدیپ جهانبا نی
وکلایه وسائر مأمورین دولته غایت مؤثر بر
عبرت اولور بر ای احتیاط مثلاً اطنه والیسی بحری
بیروت والیسی رشید، تلیس والیسی کنگده بولنش
اولان تحسین، بغداد والی لا حق نامق
وبونلرک امثالی ارباب فسق و فجور تحت محاکمه یه
آلدیریله رق جزای سزایه چار بدرلسلر ترکیاده
اهالی یه ظلم و اموردولتی افساد ایده جک و حتی
وظائف موکوله سنی وسعنه ایفایه چالشیه جق
بر مأمور قالماز .

برده مأمورینک افعال و احوانندن بحث
و حقوق ملتی مدافعه و راه سنی و ترقی اراه
ایده جک قدر مطبوعات عثمانیه یه بر حریت
معتدله وریلور سز امور دولت و ملت یولنده
جریان ایتمک باشلار . و «عربک دیدیکی کی -
صول مجاریسته عودت ایدر . اسباب ضعف
فساد از الاله اولور . تبعه عثمانیه طوائف متعدده
سی آره سنده دخی حسن امتزاج و اتلاف
حاصل اولور؛ مدافعه اجانب قبولری ده
سد ایدیلیر . (مابعدی وار)

مضمر همایونه درسی

« ما بعد »

مفسر قرآن فخر الدین رازی حضرتلری کی
اعظم علمای اسلامدن بعض ذوات جالبه « اولی
الامر » دن مراد اهل حل و عقد اولدینی ادله
کافیله اثبات ایشدر . بو اثبات یه ظلمه ابله عونه

لرینه قارشی آریجه شایان احتجاجدر که نقل و عقله
مخالف سوز لرخی ابطاله و خطا اندر خطا بولنوب
خلفی بر طاقم ترهات فاسده ابله اضلال بولنده ساعی
اولدقزینی اظهاره کافیدر .

اهل حل و عقد مصالح امت و اوقف، فضل و صلاحله
متصف ارباب عقل و عرفانذن ذوات دیکدر .

صحیح حکومات اسلامییه ده بر حل و عقد هیئت
بوله رق ظلمه یه مقاومت و کتاب و صوابی مشاوره
لرینه داخل اولدقزنی خلفانه . امرابه اراه و مصالح
عمومیه یه متعلق مداوله افکار کی وظائفه اشتغال
ایلشدر . او هیئت محترمه نك زمانه کوره اطوار
واشکالی تبدل ایده ییلیر سز ده وظائف اصلیه سنه
هیچ برخلل کتیرلک جائز اوله ماز .

بوعصرده الک بیوک، الک دیندار و عاقل علمای
اسلامک داخل اوله ییله جکی اوله بر هیئت علیه نك
ترکیاده بولندیفته نه قدر تأسفر ایدلسه نری واردر .
بوندن اونوری الک بیوک مسئولیت شمیدیکی علمای
اسلامه راجعدر .

حقوق عمومیه ملیه ایله کندی حقوق مخصوصه
لرینک محو و فساد و کتاب و سنتله علناً استیزار صرف
هوی و هوسله عمل ایدلدیکی ورعایای دولت
حقنه الک مدبش مظالم اجرا اولندیقی کوردکلری
حالده او فناقلری ارتکاب ایدن مفسد لری ،
مستزئلری ، هوی پرستاری ، ظلملری تأییدله
اعمال کافرانه لرینی تصویب ایدیلورلر . ظلملرک
انظمی ، مقسدلرک افسدی ، مستزئلرک اوزلی ،
هوی پرست ، جاهل ، ادبیز ، مکار ماینه هر
خصوصه اطاعتک عموم ملت اوزرینه فرض عین
اولدینی سویلیور . الله ورسوله افترا ایدیلورلر .
و الجانی تحبیل و تقدیس ایلمکده دیکدار اولورلر .
دین اسلامی کلیاً اضرازه مساعدله لر کوستریورلر .
عدو الله اوله بر دین سز الک صادقانه خدمتدرده بولنیورلر .
او خدمتدر ایسه منسوب اولدقزنی دین قویمه
اک واضح و عظیم مضرتلر دن غیری برشی دکدر .
اویدر دقزنی یالانله قانع اولمان و خلافی
سویابین مسلمانلری بلا دلیل تکفیر و ارباب دین
وحیت عقلانی تحقیر ایدیلورلر . اقوال مرانیانه
لریله حکومت اسلامی - که ک صالح ، نافع و خیرلی
بر حکومتدر - دنیاده ک فنا و اک مضر بر حکومت
حاله ایصال ایتدیلر . بز ایصال ایتدک بر طاقم
ظلملر ، خاشاک حکومت اسلامی او حالت سیته یه ارجاع
ایتمکده بولندیلر دیرلر سز سوزلرینه بولنده جه
ویریلیر که :

(ما بعد)